



BOSNA I HERCEGOVINA
PARLAMENTARNA SKUPŠTINA
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-528/02.

Sarajevo, 13.06.2002. godine.

Z A P I S N I K

Sa 17. sjednice Komisije za ljudska prava, imigraciju, izbjeglice i azil održane 22.05.2002. godine sa početkom u 10 sati.

Šesnaestoj sjednici Komisije prisustvovali su:

- Brka Osman, predsjedatelj komisije,
- Jovanović Miloš, zamjenik predsjedatelja komisije,
- Grabovac Miro, zamjenik predsjedatelja komisije,
- Osmanović Bahrija, član Komisije,
- Cuplov Mustafa, član Komisije.

Odsustvovali su Stokić Dušan, Majdandžić Franjo, Kamberović Violeta i Filipović Omer, članovi Komisije.

Na sjednicu su pozvani predstavnici sveučilišta u Bosni i Hercegovini u svojstvu članova proširenog Organizacionog odbora Okruglog stola «Jačanje parlamentarnog angažiranja u zaštiti ljudskih prava u Bosni i Hercegovini» ali se pozivu nisu odazvali.

Sjednici je prisustvovala službenica iz OESS BiH g-đica Nina Šandrk.

Za sjednicu je usvojen slijedeći

DNEVNI RED:

01. Usvajanje zapisnika sa 16. sjednice Komisije,
02. Informiranje o dosadašnjim i utvrđivanje budućih aktivnosti na organiziranju Okruglog stola «Jačanje parlamentarnog angažovanja u zaštiti ljudskih prava u Bosni i Hercegovini» kojeg organizira ova Komisija,
03. Rasprava o Izvješćima o posjetama jednom broju općina u Bosni i Hercegovini,
04. Tekuća pitanja.

Ad – 1 Usvajanje zapisnika sa 16. sjednice Komisije.

Nakon usvajanja dnevnog reda, predsjedatelj Osman Brka je ukazao na prisustvo službenika iz OSCE-BiH. Predložio je diskusiju i usvajanje zapisnika sa 16. sjednice. O zapisniku je uslijedila rasprava u dijelu koji se odnosi na posjete zatvorima u Bosni i Hercegovini, kao i posjetama pritvoreniciima u Hagu. U diskusiji u kojoj su učestvovali g. Miloš Jovanović, g. Miro Grabovac, g-da Bahrija Osmanović i predsjedatelj istaknuto je da

se treba snimiti stanje u organima u kojima se izražavaju određene mjere lišenja slobode pojedinih ljudi.

Nakon diskusije, Komisija je usvojila Zapisnik s 16. sjednice Komisije, uz slijedeće zaključke:

- U cilju sticanja saznanja kakvo je stanje u ustanovama u kojima borave ljudi lišeni slobode, potrebno je od Federalnog ministarstva pravde i Ministarstva pravde i uprave Republike Srpske, tražiti informacije o uslovima izdržavanja pritvora kao i zatvora lica koja se nalaze u tim ustanovama kao i o mogućnostima obilaska tih institucija.
- Isto tako, od Federalnog ministarstva pravde i Ministarstva pravde i uprave Republike Srpske, kao i Ministarstva vanjskih poslova i Ministarstva za civilna pitanja i komunikacije Bosne i Hercegovine treba tražiti spisak pritvorenika u Hagu, kao i uslove njihovog boravka u Haškom zatvoru.

05. Ad – 2 Informiranje o dosadašnjim i utvrđivanje budućih aktivnosti na organiziranju Okruglog stola «Jačanje parlamentarnog angažiranja u zaštiti ljudskih prava u Bosni i Hercegovini» kojeg organizuje ova Komisija,

U uvodnom izlaganju za drugu tačku dnevnog reda, predsjedatelj Osman Brka je ukazao na osnovne aktivnosti koje su se do sada odvijale po pitanu organizacije Okruglog stola. Ujedno je prezentirao spisak do sada pozvanih i predviđenih učesnika za pozivanje. Predsjedatelj je pročitao i shemu održavanja Okruglog stola koju je dobio od predstavnika OEES-a. Ujedno je, posebno podvukao prisutnima da obavijeste uvodničare i učesnike da do 24.05.2002. godine popune i pošalju obrazac za registraciju, da bi se mogla sačiniti lista učesnika i dnevni red Okruglog stola.

Predsjedatelj je istakao značaj održavanja današnje sjednice, očekujući da će se na istoj dogovoriti o konačnoj listi učesnika Okruglog stola.

U diskusiji koja je uslijedila, učešće su uzeli svi prisutni članovi Komisije, kao i gost iz OEES-a.

Član Komisije i zamjenik predsjedatelja g. Miloš Jovanović osvrnuo se na listu učesnika koji su pozvani te tražio objašnjenja za pozivanja jednog broja lica. Interesirao se otkud na listi g. Tokić, kad je on zamjenik predsjedatelja Doma naroda, a nisu drugi zamjenici pozvani, zašto su pozvani predsjednik i potpredsjednik Stranke penzionera-umirovljenika, a drugi predsjednici nisu, po kom osnovu su pozvani g. Prlić, Avdo Čampara, Snežana Rajlić, Desanka Rađević, Enes Pelidija, Mustafa Spahić i Zijad Ljevaković. Odgovore je dao uglavnom predsjedavajući ističući da je g. Pelidiju i g. Spahića pozvao jer se radi o vrsnim intelektualcima, koji mogu podići dignitet Okruglog stola.

Član Komisije i zamjenik predsjedatelja g. Miro Grabovac je podržao listu pozvanih, tražeći da se pozove i akademik, prof. dr. Franjo Kožul.

Članovi Komisije, g-da Osmanović Bahrija o g. Mustafa Cuplov su izrazili zadovoljstvo listom pozvanih.

Prisutni gost iz OEES-a g.-dica Nina Šandrk je posebno apelirala da se lista pozvanih i prijavljenih što prije utvrdi jer je neophodno druge radnje da se poduzimaju nakon te aktivnosti.

Na kraju, zaključeno je sljedeće:

- da se intenzivno nastavi aktivnost na organizaciji Okruglog stola,
- da svaki član Komisije apeluje kod učesnika koje je predložio, da se učesnici registriraju za učešće do roka koji je određen, a to je do 24.05.2002. godine.

Ad-3. Rasprava o Izvješćima sa obilazaka područja Bosne i Hercegovine

Predsjedatelj Komisije g. Osman Brka je u uvodu istakao aktivnost Komisije i njenih članova, koja se ogleda u obilasku pojedinih regiona Bosne i Hercegovine. Istakao je činjenicu da su grupe formirane na 13. sjednici Komisije još 26. februara 2002. godine, od svojih članova sa zadatkom da posjete određene općine. Cilj posjete je sagledavanje stanja u oblasti ljudskih prava, izbjeglica, raseljenih lica i povratnika, implementacije Aneksa 7. Opšteg okvirnog sporazuma za mir u Bosni i Hercegovini, provođenja imovinskih zakona i političko-bezbjednosne situacije u vezi s povratnicima, te nacionalne zastupljenosti u izvršnoj i sudskoj vlasti. Grupe su bile podijeljene na sljedeći način:

Prva grupa u sastavu: Osman Brka, Violeta Kamberović i Miloš Jovanović posjetila je općinu Bijeljina njenu mjesnu zajednicu Janja 01. aprila 2002. godine i općinu Srebrenicu 02. aprila 2002. godine.

Druga grupa u sastavu: Miro Grabaovac – Titan, Cuplov Mustafa i Osmanović Bahrija posjetila je Hercegovačko-neretvanski kanton i općinu Čaplinu 15.04.2002. godine te općine Stolac Ravno i Neum 16. aprila 2002. godine.

Treća grupa u sastavu Omer Filipović i Majdandžić Franjo (trebao biti i član Stokić Dušan, ali je bio bolestan), posjetila je općinu Bihać 04. aprila 2002. godine, te Bosanski Petrovac, Drvar i Bosansko Grahovo 05. aprila 2002. godine.

Članovi Komisije u navedenim općinama trebali su obaviti razgovore sa nadležnim organima i nosiocima najodgovornijih funkcija, a u nekim općinama i sa predstavnicima međunarodnih organizacija na lokalnom nivou, te povratnicima i raseljenim osobama u kolektivnim centrima. Nakon obilazaka postojala je obaveza da se dostave izvješća, a do održavanja sjednice pristiglo ih je veoma malo. U izvješćima članova Komisije su se trebale navesti aktivnosti članova Komisije prilikom navedenih posjeta i podaci do kojih su tokom posjeta došli u vezi s izbjeglim i raseljenim licima i povratnicima, kao i o nekim drugim pitanjima koja su tretirana, a tiču se ljudskih prava i ravnopravnosti naroda i građana. Govoreći o svojim utiscima predjedavajući je ukazao je na potrebu pomoći području koje je on obišao kao i drugim regionima, te ukazao na dogovor da članovi koji su obilaziti taj region, traže od svojih matičnih općina simboličnu donaciju koju treba hitno poslati.

Nakon uvoda uslijedila je diskusija. U diskusiji su učestvovali prisutni članovi Komisije. Diskusija se odnosila uglavnom, na formuliranje zaključaka. Utvrđeno je da su ponuđeni zaključci dobri, ali da treba izvršiti određene dopune i korekcije.

G. Cuplov Mustafa je istakao da je zadovoljan zaključcima kako ih je formulirao g. Miro Grabovac. Konstatovao je da Ministarstva za izbjeglice trebaju ići na teren zajedno sa Komisijama i ono da utvrdi stanje, te da ga pozitivno mijenja.

G. Jovanović je predložio da se preformulira zaključak 1. i izostavi tekst na kraju iza riječi «i Odluku» kao nepotrebne. Ujedno je tražio brisanje tačke 5. U tački 10. neophodno je izjednačiti kriterije i tražiti obradu zemlje kako sa desne tako i sa lijeve strane Drine u cijelom njenom toku. Potrebno je da Vijeće ministara pojača aktivnost sa SR Jugoslavijom. Traži je da se zaključcima istakne da nije problem da ljudi neće da se vrate na svoja prijeratna imanja i imovinu, već je problem što nemaju gdje da se vrate.

G. Brka Osman je posebno acentirao zaključak broj 4. navedenim zaključkom se traži afirmacija formiranja i funkcioniranja Imovinskog fonda izbjeglica i raseljenih lica, koji bi bio spona između vlasti i finansijskih sredstava i rješavanja potreba izbjeglih i raseljenih lica.

Nakon diskusije u kojoj su učestvovali i drugi članovi Komisije zaključeno je da se trebaju modificirati neki zaključci predloženi u prijedlogu Izvještaja. Tako urađena informacija sa modificiranim zaključcima jednoglasno je usvojena i daje se u dalju parlamentarnu proceduru. Usvojene su slijedeće izmjene i to:

- zaključak broj 5. se briše, a zaključak broj 6. postaje zaključak broj 5. i tako redom dalje,

- zaključak broj 10, koji postaje zaključak broj 09. treba da glasi:
« Od ministarstva vanjskih poslova BiH tražiti provođenje aktivnosti prema SR Jugoslaviji, za donošenje propisa kojim bi se omogućilo obrađivanje zemlje i korištenje nekretnina s obje strane granice Bosne i Hercegovine i SR Jugoslavije i da se uredi granica u tom dijelu sa SR Jugoslavijom».

- Iza zaključka broj 11. koji je postao zaključak broj 10. uvrstiti novi zaključak broj 11 koji glasi: «Vijeće ministara BiH treba intenzivirati aktivnosti sa nadležnim odgoanima SR Jugoslavije i R. Hrvatske o bržem povratku izbjeglica kako onih iz SR Jugoslavije i R Hrvatske u Bosnu i Hercegovinu, tako i onih iz Bosne i Hercegovine u navedene zemlje».

- Dodaje se i zaključak broj 12. koji glasi: «U cilju bržeg i održivog povratka izbjeglica i raseljenih lica, potrebno je da se mobilišu svi organi Bosne i Hercegovine kao i njeni entiteti, kako bi se obezbjedila veća namijenjena povratku, poboljšanje smještajnih kapaciteta i brže rješavanje nezaposlenih povratnika, i to treba biti trajni zadatak aktuelnih organa vlasti.»

Ad-4. Tekuća pitanja

Ovom tačkom dnevnoeg reda, članovi Komisije su upoznati o slučajevima obraćanja određenih stranaka ovoj Komisiji. Komisiji su se, u međuvremenu, obratile slijedeće stranke:

Šimunić Marina iz Kiseljaka, a obavljen je razgovor sa g-dom Pecirep Verom iz Imovinsko-pravne službe Općine Kiseljak, ali bez konkretnih činjenica o toku predmeta. Istaknuto je da su se Komisiji obratile i stranke **Troha Iskra** i **Štefica Grgić** iz Bihaća, a od direktora Doma zdraavlja iz Bihaća je stigao izvještaj o tom stanju koji je kao materijal podijeljen članovima Komisije.

Istaknuto je, da je i za predmet **Šaran Jadranka** iz Bosanske Krupe, stogao odgovor Vrhovnog suda F BiH, koji je kao materijal dostavljen članovima stranke.

Ova tačka dnevnog reda je bila informativne prirode. Na kraju je konstatirano, da iza 09.06.2002. godine, kad se završi Okrugli sto, treba se raspravljati o novom obilasku općina Bosne i Hercegovine od strane članova Komisije.

Ovim je završena 17. sjednica Komisije.
Sjednica je završena u 12.00. sati.

TAJNIK KOMISIJE


Dr. Zijad Hasić

PREDSJEDATELJ KOMISIJE

Osman Brka
